

**GREEN PEAS SOUP**  
**by Albert Lawrence**

**Chorus**

Don't worry fuh beg me neighbour  
Leh me tell you flat  
Dis pot ah green peas soup wid me pigtail and breadfruit  
Friend yo aint tasting dat

**Verse 1**

De las time dat yo bin ya  
Yo drink ee up like hag  
Den go an tell all nayga  
Me cant cook fuh ah dag....well

**Verse 2**

Yo tell dem dat de water  
Bin lang an na bin sweet  
An dat me grind-corn dumpilng  
Nearly bruck out yo teeth....so

**Verse 3**

Yo say how me put fresh pork  
In it and is just luck  
Dat yo still day alive an  
Able fuh do wuk....well

**Verse 4**

Ah know yo would ah come back  
Now get out ah me place  
Ah never meet a mortal  
So lying an bold face....look